

從四位下行民部大輔兼左兵衛督皇太子學士臣菅野朝臣眞道等奉 勅撰

天璽國押開豐櫻彥天皇 聖武天皇

十年春正月庚午朔。天皇御中宮。宴侍臣。饗五位已上於朝堂。信濃國獻神馬。黑身。白髦尾。

壬午。立阿倍內親王爲皇太子。大赦天下。但謀殺々訖。私鑄錢。強竊盜不在此赦限。若罪至死降一等。其六位已下。進一位一階。高年窮乏孝義人等。量加賑恤。又貢瑞人。賜爵及物。并免出瑞郡當年之庸。是日。授大納言從二位橘宿祢諸兄正三位。拜右大臣。從三位鈴鹿王授正三位。正五位上大伴宿祢牛養。高橋朝臣安麻呂。石上朝臣乙麻呂。並從四位下。

丙戌。皇帝幸松林。賜宴於文武官。主典已上賚。祿有差。

乙未。以從四位下石上朝臣乙麻呂爲左大辨。中納言從三位多治比真人廣成爲兼式部卿。從四位下巨勢朝臣奈弓磨爲民部卿。

是月。大宰府奏。新羅使級滄金想純等一百卅七人來朝。

二月丁巳。筑紫宗形神主外從五位下宗形朝臣鳥麻呂授外從五位上。出雲國造外正六位上出雲臣廣嶋。外從五位下。

三月辛未。從六位上背奈公福信授外從五位下。

丙申。施山階寺食封一千戶。鴈寺食封二百戶。隅院食封一百戶。又限五年施觀世音寺食封一百戶。

夏四月乙卯。詔爲令國家隆平。宜令京畿內七道諸國。三日內轉讀最勝王經。

庚申。從五位下佐伯宿祢淨麻呂爲左衛士督。從五位下藤原朝臣廣嗣爲大養德守。式部少輔如故。從五位下百濟王孝忠爲遠江守。外從五位下佐伯宿祢常人爲丹波守。從五位下大伴宿祢兄麻呂爲美作守。外從五位下柿本朝臣濱名爲備前守。外從

五位下大宅朝臣君子爲筑前守。外從五位下田中朝臣三上爲肥後守。外從五位下陽  
侯史眞身爲豐後守。

五月庚午。停東海。東山。山陰。山陽。西海等道諸國健兒。

辛卯。使右大臣正三位橘宿祢諸兄。神祇伯從四位下中臣朝臣名代。右少弁從五位

下紀朝臣宇美。陰陽頭外從五位下高麥太。神寶奉于伊勢大神宮。

六月戊戌朔。武藏守從四位下粟田朝臣人上卒。

辛酉。遣使大宰賜饗於新羅使金想純等。便即放還。

秋七月癸酉。天皇御大藏省覽相撲。晚頭轉御西池宮。因指殿前梅樹。勅

右衛士督下道朝臣眞倫及諸才子曰。人皆有志。所好不同。朕去春欲翫此  
樹。而未及賞翫。花葉遽落。意甚惜焉。宜各賦春意詠此梅樹。文人卅人奉

詔賦之。因賜五位已上絀廿疋。六位已下各六疋。

丙子。左兵庫少屬從八位下大伴宿祢子虫。以刀斫殺右兵庫頭外從五位下中臣宮  
處連東人。初子虫事長屋王頗蒙恩遇。至是適與東人任於比賽。政事之際  
相共圍碁。語及長屋王。憤發而罵。遂引劍斫而殺之。東人即誣告長屋王事

之人也。

閏七月癸卯。以從五位下阿倍朝臣沙弥麻呂爲少納言。從五位下紀朝臣宇美爲右

中弁。從五位下多治比真人午養爲少弁。從五位下石川朝臣加美爲中務大輔。從五

位下阿倍朝臣虫麻呂爲少輔。從五位下大井王爲左大舍人頭。從五位下久世王爲

內藏頭。從四位下道祖王爲散位頭。從五位下阿倍朝臣吾人爲治部少輔。從四位下

安宿王爲玄蕃頭。從五位下多治比真人國人爲民部少輔。從五位下石川朝臣牛養爲

主計頭。外從五位上文忌寸馬養爲主稅頭。從五位上石川朝臣麻呂爲兵部大輔。

外從五位下大伴宿祢百世爲少輔。從五位下宇治王爲刑部大輔。外從五位下大養德

宿祢小東人爲少輔。從五位下小田王爲大藏大輔。從五位下路真人虫麻呂爲少輔

。正五位下吉田連宜爲典藥頭。外從五位下大伴宿祢麻呂爲右京亮。從四位下大伴

宿祢牛養爲攝津大夫。外從五位下中臣熊凝朝臣五百嶋爲亮。

乙巳。以行達法師。榮弁法師。爲少僧都。行信法師爲律師。

丁巳。外從五位下引田朝臣虫麻呂爲齋宮長官。外從五位下小野朝臣東人爲左兵衛佐。

八月乙亥。外從五位下中臣熊凝朝臣五百嶋爲皇后宮亮。外從五位下於忌寸人主爲攝津亮。正五位下多治比真人廣足爲武藏守。從五位下當麻真人鏡麻呂爲日幡守。

。從五位下息長真人名代爲備中守。外從五位下大伴直蜷淵麻呂爲伊豫守。外從五位下小治田朝臣諸人爲豐後守。

甲申。停山陽道諸國借債。大稅出舉如舊。

辛卯。令天下諸國造國郡圖進。

九月丙申朔。日有蝕之。

庚子。內礼司主礼六人。始令把笏。

辛丑。地震。

甲寅。伊勢國飯高郡人无位伊勢直族大江授。外從五位下。

冬十月丁卯。免京畿內芳野「山」和泉監今年田租。

己丑。遣巡察使於七道諸國。採訪國宰政迹黎民勞逸。

甲午。大宰大貳正四位下紀朝臣男人卒。

十二月丁卯。從五位下宇治王爲中務大輔。從四位下高橋朝臣安麻呂爲大宰大貳。

從五位下藤原朝臣廣嗣爲少貳。

戊寅。仕丁役畢還鄉。始給程糧。

十一年春正月甲午朔。出雲國獻赤烏。越中國獻白烏。

丙午。天皇御中宮。授正三位橘宿祢諸兄從二位。從四位上大石王正四位下。

從五位下黃文王。无位大市王並從四位下。无位茨田王從五位下。從四位下藤原朝臣豐成正四位下。正五位下縣犬養宿祢石次從四位下。從五位上賀茂朝臣助正五位上。從五位上多治比真人占部正五位下。從五位下石川朝臣加美。紀朝臣宇美。

藤原朝臣仲麻呂並從五位上。外從五位下小治田朝臣廣耳。大伴宿祢祐信倫。佐伯

宿祢常人並從五位下。外從五位下坂上伊美伎犬養外從五位上。正六位上倭武助。

麻呂。田連陽春。塩屋連古麻呂。物部依羅朝臣人會。紀朝臣豐川。村國連子虫

並外從五位下。正四位下竹野女王。從四位下無漏女王。並從三位。正四位下多伎女王。正四位上。從四位下大和野女王。廣湍女王。日置女王。粟田女王。河內女王。丹生女王。並從四位上。從五位下春日女王。无位小長谷女王。坂合部女王。高橋女王。茨田女王。陽胡女王。從五位下藤原朝臣吉日。正五位下大宅朝臣諸姉。並從四位下。從五位下宇遲女王。无位中臣殖粟連豐日。並從五位上。无位紀朝臣意美奈。采女朝臣首名。采女朝臣若。岡連君子。並從五位下。

二月戊子。詔曰。皇后寢膳不安。弥益疲勞。朕見此苦情甚惻隱。宜大赦天下。救濟病患。自天平十一年二月廿六日戌時以前。大辟罪以下及八虐。常赦所不赦者。咸赦除之。其廢疾之徒不能自存者。量加賑恤。仍令長官親自慰問。量給湯藥。僧尼亦同。

壬辰。勅。二月廿六日赦書云。敢以二赦前事。告言者以二其罪。タレ之。宜可停。若百姓心懷私愁。欲披陳者。恣聽之。巡察使。隨事問知。具狀錄奏。勿依敕書一罪。告人上。

癸巳朔。三月甲午。天皇行幸甕原離宮。

丁酉。車駕還宮。

癸丑。詔曰。朕恭膺寶命。君臨區宇。未明求衣。日昃忘膳。即得從四位上治部卿茅野王等奏。稱得大宰少貳從五位下多治比真人伯等解。對馬嶋目正八位上養德馬飼連乙麻呂所獲神馬。青身白髦尾。謹檢符瑞圖。曰。青身白髦尾。者神馬也。聖人爲政。資服有制。則神馬出。又曰。王者事百姓。德至丘陵。則澤出神馬。實合大瑞者。斯乃宗廟所祐。社稷所賜。朕以不德。何堪獨受。天下共悅。理允恒典。宜賑給孝子順孫高年鰥寡。獨及不能自存者。其進馬人賜爵五級并物。免出馬郡今年庸調。自餘郡之庸。國司史生以上。亦各賜物。宜體此懷。聿遵朕志焉。

乙卯。天皇及太上天皇行幸甕原離宮。授外從五位上坂上伊美吉犬養從五位下。戊午。車駕還宮。

庚申。石上朝臣乙麻呂坐。奸久米連若賣。配流土左國。若賣配下總國焉。

夏四月甲子。詔曰。省從四位上高安王等去年十月廿九日表。具知意趣。王等謙沖之情。深懷辭。族。忠誠之至。厚。在慇懃。顧思所執。志不可奪。今依所請。賜大原真人之姓。子子相承。歷萬代而無絕。孫々永繼冠千秋。以不窮。

戊辰。中納言從三位多治比真人廣成薨。左大臣正二位嶋之第五子也。

乙亥。令天下諸國。改馱馬一疋所負之重大二百斤。以二百五十斤爲限。

戊寅。正六位上百濟王敬福授從五位下。正六位上田邊史難波外從五位下。

壬午。陸奥國按察使兼「守」鎮守府將軍大養德守從四位上勳四等大野朝臣東人。民部卿兼春宮大夫從四位下巨勢朝臣奈氏麻呂。攝津大夫從四位下大伴宿祢牛養。式部大輔從四位下縣犬養宿祢石次爲參議。

五月甲寅。詔曰。諸國郡司。徒多員數。無益任用。侵損百姓爲蠹。實深。仍省舊員。改定。大郡大領少領主政各一人。主帳二人。上郡大領少領主政主帳各一人。中郡大領少領主帳各一人。下郡亦同。小郡領主帳各一人。

辛酉。詔曰。天下諸國。今年出舉。正稅之利皆免之。諸家封戶之租。依令二分。一分入官。一分給主者。自今以後。全賜其主。運送傭食。割取其租。

六月戊寅。令諸國驛起稻。咸悉混合正稅。

癸未。緣停兵士。國府兵庫點白丁。作番令守之。

甲申。賜出雲守從五位下石川朝臣年足。純州足。布六十端。正稅三萬束。賞善政也。

秋七月乙未。授外從五位下背奈公福信從五位下。正六位上新城連吉足。外從五位下。

癸卯。渤海使副使雲麾將軍己珣蒙等來朝。

甲辰。詔曰。方今孟秋。苗子盛秀。欲令風雨調和。年穀成熟。宜令天下諸寺。轉讀五穀成熟經。并悔過。七日七夜焉。

八月丙子。太政官處分。式部省蔭子孫并位子等。不限二年之高下。皆下大學。一向學問焉。

九月庚寅朔。日有蝕之。

冬十月甲子。從四位下小野朝臣牛養卒。

丙子。少僧都行達爲大僧都。

丙戌。入唐使判官外從五位下平郡朝臣廣成。并渤海客等入京。

十一月辛卯。平郡朝臣廣成拜朝。初廣成。天平五年隨大使多治比真人廣成入唐。

六年十月事畢却歸。四船同發。從蘇州入海。惡風忽起。彼此相失。廣成之船一百

一十五人漂着崑崙國。有賊兵來圍。遂被拘執。船人或被殺或迸散。自餘九十余

人着瘴死亡。廣成等四人。僅免死得見。崑崙王。仍給升糧安置。惡處至

七年。有唐國欽州熟崑崙到彼。便被偷戴。出來既歸唐國。逢本朝學生阿倍

仲滿。便奏得入朝。請取渤海路歸朝。天子許之。給船糧發遣。十年三

月。從登州入海。五月到渤海界。適遇其王大欽茂差使。欲聘我朝。即時

同發。及渡沸海。渤海一船遇浪傾覆。大使胥要德等卅人沒死。廣成等卒遺衆

到著出羽國。

十二月戊辰。渤海使己玆蒙等拜朝。上其王啓并方物。其詞曰。欽茂啓。山河杳

絕。國土寬遙。佇望風猷。唯增傾仰。伏惟。天皇聖觀。至德遐暢。弈葉重光。

澤流萬姓。欽茂忝繼祖業。濫愬如始。義洽情深。每脩隣好。今彼國使朝臣廣業

等。風潮失便。漂落投此。每加優賞。欲待來春放迴。使等貪前。苦請

乃年歸去。訴詞至重。隣義非輕。因脩行資。卽爲發遣。仍差若忽州都督胥要

德等充使。領廣業等令送彼國。并附大虫皮羆皮各七張。豹皮六張。人參三

十斤。蜜三杯。進上。至彼請檢領。

己卯。外從五位下平郡朝臣廣成授正五位上。自餘水手已上。亦各有級。正六位上

祢仁傑外從五位下。

十二年春正月戊子朔。天皇御大極殿受朝賀。渤海郡使新羅學語等同亦在列。

但奉翳。美人更着袍袴。飛驒國獻白狐白雉。

甲午。渤海郡副使雲麾將軍己玆蒙等。授位各有差。卽賜宴於朝堂。賜渤海郡

王美濃純卅疋。絹卅疋。絲一百五十絢。調綿三百屯。己玆蒙美濃純廿疋。絹十疋。

絲五十絢。調綿二百屯。自餘各有差。

庚子。天皇御中宮。授從四位下塩燒王從四位上。无位奈良王。守部王並從四位下。正五位下多治比真人廣足正五位上。從五位上紀朝臣麻路。石川朝臣加美。藤原朝臣仲麻呂並正五位下。正五位下石川朝臣年足。佐伯宿祢淨麻呂並從五位上。正六位上藤原朝臣巨勢麻呂。藤原朝臣八束。安倍朝臣嶋麻呂。多治比真人土作並從五位下。正六位上大伴宿祢三中。宗形朝臣赤麻呂。紀朝臣可比佐。大伴宿祢犬養。車持朝臣國人並外從五位下。又以外從五位下大伴宿祢犬養爲遣渤海大使。癸卯。天皇御南苑宴侍臣。饗百官及渤海客於朝堂。五位已上賜摺衣。甲辰。天皇御大極殿南門觀大射。五位已上射了。乃命渤海使己玆蒙等射焉。

丙辰。遣使就客館。贈渤海大使忠武將軍胄要德從二位。首領无位己闕棄蒙從五位下。并賻調布一百十五端。庸布六十段。

丁巳。天皇御中宮閤門。己玆蒙等奏本國樂。賜帛綿各有差。

二月己未。己玆蒙等還國。

甲子。行幸難波宮。以知太政官事正三位鈴鹿王。正四位下兵部卿藤原朝臣豐成爲留守。

庚午。給攝津國百姓稻粃各有差。

丙子。百濟王等奏風俗樂。授從五位下百濟王慈敬從五位上。正六位上百濟王全福從五位下。是日。車駕還宮。

辛巳。賜陪從右大臣已下五位已上祿各有差。

三月辛丑。以外從五位下紀朝臣必登爲遣新羅大使。

夏四月戊午。遣新羅使等拜辭。

丙子。遣渤海使等辭見。

五月乙未。天皇幸右大臣相樂別業。宴飲酣暢。授大臣男无位奈良麻呂從五位

下。

丁酉。車駕還宮。

丙辰朔<sup>十五</sup> 六月庚午。勅<sup>シテ</sup>曰。朕君臨八荒。奄有萬姓。履薄馭朽。情深覆育。求<sup>メ</sup>衣忘

寢。思切<sup>ナリ</sup>納隍。恒念<sup>ニ</sup>何<sup>イカシテ</sup>蒼上玄。人民有<sup>ニ</sup>休平之樂。能稱<sup>ク</sup>明命。國家致<sup>ニ</sup>寧

泰之榮者。信<sup>ト</sup>是被<sup>ニ</sup>於寬仁。挂網之徒。保<sup>チ</sup>身命而得<sup>ン</sup>壽。布<sup>カハ</sup>於鴻恩。窮乏之

類。脫<sup>シテ</sup>乞微<sup>ヨ</sup>而有<sup>ン</sup>息。宜<sup>レ</sup>大<sup>ス</sup>赦天下。自<sup>リ</sup>天平十二年六月十五日戌時以前大辟以

下。咸<sup>ク</sup>赦<sup>ス</sup>除<sup>セ</sup>之。兼<sup>テ</sup>天平十一年以前公私所<sup>レ</sup>負之稻。悉<sup>セ</sup>皆原免。其監臨主守自盜。々

所<sup>ヨ</sup>監臨。故殺人謀殺人殺訖。私鑄錢作具既備。強盜竊盜。奸<sup>スル</sup>他妻。及中衛舍人。

左右兵衛。衛門府衛士。門部。主帥。使部等。不<sup>レ</sup>在<sup>ニ</sup>赦限。其流人穗積朝臣老。多

治比真人祖人。名負東人。久米連若女等五人。召<sup>テ</sup>令<sup>ニ</sup>入京。大原采女勝部鳥女還<sup>ニ</sup>本

鄉。小野王。日奉弟日女。石上乙麻呂。牟<sup>々</sup>禮大野。中臣宅守。飽海古良比。

不<sup>レ</sup>在<sup>ニ</sup>赦限。

甲戌。令<sup>下</sup>天下諸國。每<sup>レ</sup>國寫<sup>シ</sup>法華經十部。并<sup>ニ</sup>建<sup>中</sup>七重塔<sup>上</sup>焉。

乙卯朔<sup>二十</sup> 秋八月甲戌。和泉監并<sup>ニ</sup>河內國<sup>一</sup>焉。

癸未。大宰少貳從五位下藤原朝臣廣嗣上<sup>レ</sup>表。指<sup>シ</sup>時政之得失。陳<sup>フ</sup>天地之災異。因<sup>テ</sup>

以<sup>レ</sup>除<sup>ニ</sup>僧正玄昉法師。右衛士督從五位下道朝臣眞備<sup>一</sup>爲<sup>レ</sup>言。

九月丁亥。廣嗣遂起<sup>レ</sup>兵反。勅<sup>シテ</sup>以<sup>ニ</sup>從四位上大野朝臣東人<sup>一</sup>爲<sup>ニ</sup>大將軍。從五位上

紀朝臣飯麻呂爲<sup>ニ</sup>副將軍。軍監軍曹各四人。徵<sup>メ</sup>發東海。東山。山陰。山陽。南海五

道軍一萬七千人。委<sup>シテ</sup>東人等<sup>ニ</sup>持<sup>レ</sup>節討<sup>シ</sup>之。

戊子。召<sup>ニ</sup>隼人廿四人於御在所。右大臣橘宿祢諸兄宣<sup>レ</sup>。勅<sup>ヨ</sup>授<sup>レ</sup>位各有<sup>レ</sup>差。并<sup>ニ</sup>賜<sup>ニ</sup>

當色服<sup>一</sup>發遣。

己丑。勅<sup>シテ</sup>從五位上佐伯宿祢常人。從五位下阿倍朝臣虫麻呂等。亦發遣<sup>ニ</sup>用<sup>セシム</sup>

軍事。從五位下神前王賜<sup>ニ</sup>姓<sup>一</sup>甘南備真人。補<sup>ス</sup>攝津亮。

乙未。遣<sup>シ</sup>治部卿從四位上三原王等奉<sup>ル</sup>幣帛于伊勢大神宮。

己亥。勅<sup>シテ</sup>四畿內七道諸國。曰。比來緣<sup>リテ</sup>筑紫境有<sup>ニ</sup>不軌之臣。命<sup>シテ</sup>軍討伐。願<sup>ニ</sup>依<sup>ニ</sup>

聖祐<sup>一</sup>欲<sup>レ</sup>安<sup>ニ</sup>百姓。故今國別造<sup>ニ</sup>觀世音菩薩像壹軀高七尺<sup>一</sup>。并<sup>ニ</sup>寫<sup>ニ</sup>觀世音經

一十卷。乙巳。勅<sup>シテ</sup>大將軍大野朝臣東人等。曰。得<sup>テ</sup>奏狀<sup>一</sup>知<sup>ニ</sup>遣新羅使船來泊<sup>ニ</sup>長門國<sup>一</sup>。其

船上物者便藏當國。使中有下人可採用者。將軍宜任之用之。

戊申。大將軍東人等言。殺獲賊徒豐前國京都郡鎮長大宰史生從八位上小長谷常人。

企救郡板櫃鎮小長凡河內田道。但大長三田塩籠者。着箭二隻逃竄野裏。生

虜登美。板櫃。京都三處營兵一千七百六十七人。器仗十七事。仍差長門國豐浦

郡少領外正八位上額田部廣麻呂。將精兵卅人。以今月廿一日發渡。又差勅使

從五位上佐伯宿祢常人。從五位下安倍朝臣虫麻呂等。將隼人廿四人并軍士四千人

。以今月廿二日發渡。令鎮板櫃營。東人等將後到兵。尋應發渡。又間諜申

云。廣嗣於遠珂郡家。造軍營儲兵弩。而舉烽火徵發國內兵矣。

己酉。大將軍東人等言。豐前國京都郡大領外從七位上楯田勢麻呂。將兵五百騎。

仲津郡擬少領无位膳東人。兵八十人。下毛郡擬少領无位勇山伎美麻呂。築城郡擬少

領外大初位上佐伯豐石。兵七十人。來歸官軍。又豐前國百姓豐國秋山等殺逆賊三

田塩籠。又上毛郡擬大領紀宇麻呂等二人。共謀斬賊徒首四級。

癸丑。勅筑紫府管内諸國官人百姓等曰。逆人廣嗣小來凶惡。長益詐奸。其父

故式部卿常欲除弃。朕不能許。掩藏至令。比在京中讒亂親族。故令遷

遠。冀其改心。今聞擅爲狂逆。擾亂人民。不孝不忠。違天背地。

神明所弃。滅在朝夕。前已遣勅符。報知彼國。又聞或有逆人。捉

害送人。不令遍見。故更遣勅符數十條。散擲諸國。百姓見者。早宜承知

。如有入雖下本與廣嗣同心起謀。今能改心悔過。斬殺廣嗣而息。百

姓者。白丁賜五位已上。官人隨等加給。若身被殺者。賜其子孫。忠臣義士。

宜速施行。大軍續進發入。宜知此狀。

甲寅朔。遣渤海郡使外從五位下大伴宿祢犬養等來歸。

壬戌。詔大將軍東人令祈請八幡神焉。大將軍東人等言。逆賊藤原廣嗣率

衆一万許騎。到板櫃河。廣嗣親自率隼人軍爲前鋒。即編木爲船。將渡

河。于時佐伯宿祢常人。安倍朝臣虫麻呂。發弩射之。廣嗣衆却到於河西。常人

等率軍士六千餘人。陳于河東。即令隼人等呼云。隨逆人廣嗣拒捍官軍

者。非直滅其身。罪及妻子親族者。則廣嗣所率隼人并兵等。不敢發

箭。于時常人等呼廣嗣十度。而猶不答。良久廣嗣乘馬出來云。承勅使到來。其勅使者爲誰。常人等答云。勅使衛門督佐伯大夫。式部少輔安倍大夫。今在此間者。廣嗣云。而今知勅使。卽下馬。兩段再拜。申云。廣嗣不敢捍朝命。但請朝廷乱人二人耳。廣嗣敢捍朝廷者。天神地祇罰殺。常人等云。爲賜。勅符喚大宰典已上。何故發兵押來。廣嗣不能辨答。乘馬却還。時隼人三人直從河中泳來降服。則朝廷所遣隼人等。扶救遂得着岸。仍降服隼人二十人。廣嗣之衆十許騎來歸官軍。獲虜器械如別。又降服隼人贈啖君多理志佐申云。逆賊廣嗣謀云。從三道往。卽廣嗣自率大隅。薩摩。筑前。豐後等國軍合五千人許。從鞍手道往。綱手率筑後。肥前等國軍合五千許人。從豐後國往。多胡古麻呂【不知所率軍數】。從田河道往。但廣嗣之衆到來鎮所。綱手多胡古麻呂未到。

戊辰。遣新羅國使外從五位下紀朝臣必登等還歸。

壬申。任下造伊勢國行宮司。

丙子。任次第司。以從四位上塩燒王爲御前長官。從四位下石川王爲御後長官。

。正五位下藤原朝臣仲麻呂爲前騎兵大將軍。正五位下紀朝臣麻路爲後騎兵大將軍。徵發騎兵。東西史部。秦忌寸等惣四百人。

己卯。勅大將軍大野朝臣東人等曰。朕緣有所留意。今月之末。暫往關東。雖非其時。事不能已。將軍知之不須驚惶。

壬午。行幸伊勢國。以知太政官事兼式部卿正二位鈴鹿王。兵部卿兼中衛大將正四位下藤原朝臣豐成爲留守。是日。到山邊郡竹谿村堀越頓宮。

癸未。車駕到伊賀國名張郡。

十一月甲申朔。到伊賀郡安保頓宮宿。大雨。途泥人馬疲煩。

乙酉。到伊勢國壹志郡河口頓宮。謂之關宮也。

丙戌。遣少納言從五位下大井王。并中臣忌部等奉幣帛於大神宮。車駕停御關宮十箇日。是日。大將軍東人等言。進士无位安倍朝臣黑磨以今月廿二日丙子。

。捕獲逆賊廣嗣於肥前國松浦郡值嘉嶋長野村。詔報曰。今覽十月廿九日奏。

知<sub>ル</sub>捕<sub>ハ</sub>得<sub>ル</sub>。逆賊廣嗣。其罪顯露。不<sub>レ</sub>在<sub>レ</sub>可<sub>レ</sub>疑。宜<sub>ク</sub>依<sub>テ</sub>法處決。然<sub>シテ</sub>後奏聞。

丁亥。遊<sub>ニ</sub>獵<sub>ニ</sub>于和遲野。免<sub>ス</sub>當國今年租。

戊子。大將軍東人等言。以<sub>ニ</sub>今月一日。於<sub>ニ</sub>肥前國松浦郡。斬<sub>ル</sub>廣嗣綱手。已<sub>ニ</sub>訖。管成以下從人已上。及僧二人者。禁<sub>ニ</sub>正身<sub>ニ</sub>置<sub>ク</sub>大宰府。其歷名如<sub>レ</sub>別。又以<sub>ニ</sub>今月三日

。差<sub>シテ</sub>軍曹海犬養五百依。發遣。令<sub>レ</sub>迎<sub>ニ</sub>逆人廣嗣之從三田兄人等廿餘人。申<sub>シテ</sub>廣嗣之船從<sub>リ</sub>知駕嶋發。得<sub>テ</sub>東風<sub>ニ</sub>往<sub>ク</sub>四ヶ日。行見<sub>レ</sub>嶋。船上人云。是<sub>ニ</sub>就羅嶋<sub>ナリト</sub>也。

于<sub>レ</sub>時東風猶扇。船留<sub>ニ</sub>海中。不<sub>ニ</sub>肯進行。漂蕩。已經<sub>ニ</sub>一日一夜。而西風卒起。更吹<sub>ニ</sub>還<sub>ニ</sub>船。於<sub>レ</sub>是。廣嗣自捧<sub>ラケテ</sub>驛鈴一口云。我是大忠臣也。神靈弃<sub>レ</sub>我哉。乞<sub>フ</sub>賴<sub>ニ</sub>神力。風波暫靜。

以<sub>レ</sub>鈴投<sub>レ</sub>海。然<sub>レ</sub>猶風波弥甚。遂着<sub>ニ</sub>等保知駕嶋色都嶋<sub>ニ</sub>矣。廣嗣式部卿馬養之第一子也。

乙未。車駕從<sub>ニ</sub>河口發。到<sub>テ</sub>壹志郡宿。丁酉。進<sub>ニ</sub>至<sub>ニ</sub>鈴鹿郡赤坂頓宮。

甲辰。詔<sub>ニ</sub>陪從文武官。并騎兵及子弟等。賜<sub>フ</sub>爵人一級。但騎兵父<sub>「</sub>官<sub>」</sub>者。雖<sub>トモ</sub>不<sub>レ</sub>在<sub>ニ</sub>陪從。賜<sub>フ</sub>爵二級。授<sub>ク</sub>從<sub>ニ</sub>二位橘宿祢諸兄正二位。從四位上智努王。塩燒王

並正四位下。從四位下石川王。長田王。守部王。道祖王。安宿王。黃文王並從四位上。无位山背王從四位下。從五位下矢釣王。大井王。茨田王並從五位上。從四位上

大原真人高安正四位下。正五位下紀朝臣麻呂。藤原朝臣仲麻呂並從五位上。從五位上下道朝臣眞倫。佐伯宿祢清麻呂。佐伯宿祢常人並正五位下。從五位下多治比真人

家主。阿倍朝臣吾人。多治比真人牛養。大伴宿祢祐信倫。百濟王全福。阿倍朝臣佐美麻呂。阿倍朝臣虫麻呂。藤原朝臣八束。橘宿祢奈良麻呂並從五位上。正六位上多

治比真人木人。藤原朝臣清河。外從五位下民忌寸大楫並從五位下。外從五位下菅生朝臣古麻呂。紀朝臣鹿人。宗形朝臣赤麻呂。引田朝臣虫麻呂。物部依羅朝臣人會。

高麥太。大藏忌寸廣足。倭武助。村國連子虫並外從五位上。正六位上當麻真人廣名。紀朝臣廣名。笠朝臣莖麻呂。小野朝臣綱手。枚田忌寸安麻呂。秦前大魚。文忌

寸黑麻呂。日根造大田。守部連牛養。酒波人麻呂。外少初位上壹師君挨古麻呂並外從五位下。

乙巳。賜五位已上純。各有差。

丙午。從赤坂發到朝明郡。

戊申。至桑名郡石占頓宮。

己酉。到美濃國當伎郡。

庚戌。賜伊勢國高年百姓百歲已下八十歲已上者大稅。各有差。

十二月癸丑朔。到不破郡不破頓宮。

甲寅。幸宮處寺及曳常泉。

丙辰。解騎兵司。令還入京。皇帝巡觀國城。晚頭奏新羅樂飛驒樂。

丁巳。賜美濃國郡司及百姓有勞動者位一級。正五位上賀茂朝臣助授從四位下。

戊午。從不破發至坂田郡橫川頓宮。是日。右大臣橘宿祢諸兄在而發。經

略山背國相樂郡恭仁鄉。以擬遷都故也。

己未。從橫川發到犬上頓宮。

丙寅。外從六位上調連馬養授外從五位下。

辛酉。從犬上發到蒲生郡宿。

壬戌。從蒲生郡宿發到野洲頓宮。

癸亥。從野洲發到志賀郡禾津頓宮。

乙丑。幸志賀山寺礼佛。

丙寅。賜近江國郡司位一級。從禾津發到山背國相樂郡玉井頓宮。

丁卯。皇帝在<sub>レ</sub>前幸<sub>二</sub>恭仁宮<sub>一</sub>。始作<sub>二</sub>京都<sub>一</sub>矣。太上天皇皇后在<sub>レ</sub>後而至。

## 續日本紀卷第十三